

CARTA CUAYIIVI YEⁿE TIMOTEO

1 'Úú Pablo 'úú ní 'úú apóstol yeⁿe Jesucristo caati Ndyuūs neⁿé yā chi 'úú cuuvi apóstol yeⁿé yā, ní dichó'o yā 'úú. Ní chuū chi Ndyuūs diiⁿ yā ní tan'dúúcā chi ngaⁿa yā chi ca'a yā vida cueⁿe daāⁿmaⁿ nducyaaca 'iiⁿyāⁿ chi yeⁿe Jesucristo. ²'Úú dingúúⁿ carta 'cūū yeⁿe di, Timoteo, chi tan'dúúcā daiyā 'tíicā dii caati neⁿé taavi dii. Neⁿé chi Ndyuūs chiida yú ndúúcū Señor Jesucristo yeⁿe yú tée yā dii cosas chi n'dai, ní ya'āi 'iinú yā dii, ní tée yā dii vaadi 'diiⁿ na staava yeⁿé di.

**Caaⁿmaⁿ di nduudu yeⁿe
Cristo nanááⁿ 'iiⁿyāⁿ**

³Maaⁿ ní ca'á Ndyuūs gracias caavā chi 'úú dichii'vé Ndyuūs ndúúcū vaanicadíinūuⁿ yeⁿé chi n'daacā tan'dúúcā chi diiⁿ 'iiⁿyāⁿ yeⁿe yú tiempo chi 'āā ch'óo. Ní ndii nguuví ndii n'gaaⁿ taachi ngaⁿanguā'a, 'úú ca'á Ndyuūs gracias, ní cueⁿe daāⁿmaⁿ 'úú ngaⁿanguā'a caavā dii, Timoteo. ⁴Nééné neⁿé snaáⁿ dii, Timoteo, taachi n'gaacú yeⁿé nuūⁿniⁿ nduutinááⁿ di taachi caneé 'áámá lado yeⁿé di. Ní taachi cuuvi n'diichí dii tuu'mi ní yeenú taaví.

⁵Ní n'gaacú chi i'téenu di Ndyuūs ndúúcū núúⁿmáⁿ staava yeⁿé di. Vmnaaⁿ chi i'teenu di Jesucristo táⁿā Loida chi chicuⁿu di ní táⁿā Eunice cheecu di i'téenu yā Jesucristo. Maaⁿ ní seguro caneé chi cuaacu chi dii ntúūⁿ i'téenu di.

⁶Cáávā chi i'téenu di Ndyuūs neⁿé chi n'gaacu di chi cuéⁿé daāⁿmaⁿ diiⁿ di ntiiⁿnyuⁿ chi Ndyuūs 'āā teé yā dii ndíí tiempo chi 'úú sn'duū ta'á vmnaaⁿ tiiⁿ di. ⁷Ndyuūs nguéeⁿ 'āā teé yā s'uuúⁿ 'áámá staava yeⁿé yú chi 'va'a yú naati 'āā teé yā s'uuúⁿ 'áámá staava yeⁿe yú chi véé poder yeⁿé yú. Ní 'íicú cuuví dinéⁿe yú nducyaaca 'iiⁿyāⁿ. Ní cuuvi nadicadíinuuⁿ yú n'daacā. ⁸Maaⁿ ní nguéeⁿ 'cuináaⁿ di chi caaⁿmaⁿ di nduudu cuaacu yeⁿe Señor Jesucristo yeⁿe yú nanááⁿ 'iiⁿyāⁿ. Ndíí nguéeⁿ ndúú 'cuináaⁿ di yeⁿe 'úú caati canuúⁿ vácūū cáávā chi ngaⁿá nduudu cuaacu yeⁿe Cristo. Naati n'daacā ca diiⁿ di chi cuché di yeⁿe nducuéⁿé chi 'cueenu di cuuvi ntúūⁿ cáávā chí ngaⁿa di nduudu yeⁿe Cristo chí nadanguáⁿāi 'iiⁿyāⁿ chi n'giindiveéⁿ yā yeⁿe di. Diiⁿ di tanducuéⁿé ndúúcū fuerzas chi Ndyuūs itée yā dii. ⁹Ndyuūs nadinguáⁿai yā

s'uuúⁿ ní yaa'ví yā s'uuúⁿ chi diiⁿ yú ntiiⁿnyuⁿ yeⁿe yā chí n'daacā. Nguéé nadinguáⁿai yā s'uuúⁿ cáávā ntiiⁿnyuⁿ chi diiⁿ yú chí n'daacā. Naati Ndyuūs díⁿ yā 'túúcā ndúúcū s'uuúⁿ ti 'tíicā neⁿe yā diiⁿ yā. Níicú neené neⁿe yā s'uuúⁿ. Ní maaⁿ ní s'uuúⁿ 'āā nduuví daama yú ndúúcū Cristo Jesus. Níicú Ndyuūs neⁿe yā s'uuúⁿ cuááⁿ vmnaaⁿ chi 'āā cuéé iⁿ'yeeⁿdí. ¹⁰Maaⁿ ní Ndyuūs chi iⁿ'í yā chí neⁿe taaví yā nducyaaca 'iiⁿ'yāⁿ taachi dich'ó yā Jesucristo yeⁿe yú iⁿ'yeeⁿdí 'cūū. Jesucristo ní 'iiⁿ'yāⁿ miiⁿ chi nadanguáⁿai yā s'uuúⁿ. Ní nduudu cuaacu yeⁿe evangelio chi yeⁿe vida yeⁿe Cristo chi iⁿ'i s'uuúⁿ chi nguéé 'aama 'cuūvi yú. Níicú cáávā chi nadanguáⁿai yā s'uuúⁿ cuuvi cunduuchi yú cueⁿe daāⁿmaⁿ.

¹¹Níicú Ndyuūs nideevé yā 'úú chí caaⁿmaⁿ nduudu cuaacu yeⁿe yā ní dich'ó yā 'úú lado yeⁿe apóstol yeⁿe yā chi 'úú caaⁿmaⁿ nduudu cuaacu yeⁿe yā nanááⁿ 'iiⁿ'yāⁿ chi nguéé yeⁿe ndaata Israel. ¹²Níicú cáávā chi 'úú apóstol yeⁿe yā tanducuéⁿe n'geenú ngii chi canuúⁿ vácūū. Ní nguéé ngii 'cuinaáⁿ caati deenú du'ū chi Cristo chi i'teenú. Ní deenú chi cuaacu chi Cristo miiⁿ ní vée poder yeⁿe yā chi diiⁿ cuenta yā yeⁿe nducuéⁿe ntiiⁿnyuⁿ chi tee yā 'úú ndíí nguuvi chi díⁿ yā juzgar nducyaaca 'iiⁿ'yāⁿ.

¹³Dii, Timoteo, diiⁿ di ndúúcū nduudu chi serio nducuéⁿe tan'dúúcā chi 'úú chi'cueéⁿ dii. Ní cunée di n'daacā ndúúcū chi i'teenú di Dinéⁿe di nducyaaca 'iiⁿ'yāⁿ caati mááⁿ ní s'uuúⁿ ní yeⁿe Jesucristo s'uuúⁿ. ¹⁴Ní cundee di cuidado chi

diiⁿ di ntiiⁿnyuⁿ chi Ndyuūs tee yā dii. Ní tee di lugar chí Espíritu N'dai yeⁿe Ndyuūs chi canee ndúúcū yú cunnee yā dii.

¹⁵Dii ní deenu di chi nducyaaca 'iiⁿ'yāⁿ chi i'téenu yā Jesucristo chi yeⁿe yáⁿāa Asia, 'iiⁿ'yāⁿ s'eeⁿ chi canee yā nduucú nguuvi chi chó'oo, maaⁿ ní ndaacadaamí yā yeⁿe 'úú. Ní nguaaⁿ 'iiⁿ'yāⁿ s'eeⁿ canée saⁿā Figelo ndúúcū saⁿā Hermógenes. ¹⁶Naati 'iiⁿ'yāⁿ yeⁿe familia yeⁿe saⁿā Onesíforo nguéé 'cuináⁿ yā 'úú yeⁿe chi canuúⁿ vácūū. Saⁿā miiⁿ ndaa sa n'diichi sa 'úú chi nnee sa 'úú. Neⁿe chi Señor Jesucristo ca'á yā vaadí ya'ai yeⁿe yā saⁿā miiⁿ ndúúcū 'iiⁿ'yāⁿ yeⁿe familia yeⁿe sa. ¹⁷Nguéé diiⁿ saⁿā Onesíforo tan'dúúcā chi diiⁿ tanáⁿa yā caati taachi canée sa na yáāⁿ Roma neené na'nuūⁿ sa 'úú ndíí taachi nndaacā sa 'úú. ¹⁸Neⁿe chi Ndyuūs ya'ai 'iinú yā saⁿā miiⁿ nguuvi chi Señor Jesucristo yeⁿe yú díⁿ yā juzgar 'iiⁿ'yāⁿ yeⁿe iⁿ'yeeⁿdí 'cūū. Ní dii ní neené n'dai deenú di tan'dúúcā chi chinnee sa s'uuúⁿ taachi snée yú na yáāⁿ Efeso.

'Aámá soldado yeⁿe Señor Jesucristo chi din'dáaca sa

2 Díí, Timoteo, chi tan'dúúcā daiyá, cuta'a di fuerzas yeⁿe nducuéⁿe vaadí n'dai chi cuuvi yeⁿe yú caati maaⁿ ní yeⁿe Jesucristo s'uuúⁿ. ²Ní tanducuéⁿe chi n'giindiveeⁿ di yeⁿe 'úú chi ngaⁿá nanááⁿ n'dee n'dái 'iiⁿ'yāⁿ, chuū ní ca'cueeⁿ di saⁿā s'eeⁿ chi i'téenu sa chi 'áámá cūnee sa n'daacā ndúúcū chi i'téenu sa, ní saⁿā s'eeⁿ ní cuuvi ca'cueeⁿ sa tanáⁿa 'iiⁿ'yāⁿ.

³Ní taachi canee chi 'cueenu dí cuuvi tuu'mi ní n'geenu di ngii tan'dúúcā 'áámá soldado chi n'daacā sa. 'Tíicā dii' di caati dii ní 'áámá soldado ye'e Señor Jesucristo.

⁴Deenu di tan'dúúcā chi 'áámá soldado chi canéé na servicio nguée dii' sa tan'dúúcā taná'a sa'a chi nguée canee na servicio caati canee sa dii' sa cumplir tanducué'e chi nga'a comandante ye'e sa.

⁵Tiicá ntúū'. 'Ii'yā' chi ca'a na cancha nguée cuuvi cuta'a yā mar 'áámá premio nduuti chi nguée dii' yā cumplir reglas ye'e. ⁶Tiicá ntúū'. 'Ii'yā' chi dii' ntii'nyu' na campo ye'é yā cuuvi cuta'a yā caavā maá' yā cosecha ye'é yā chi vmnāá' vmnaa'. ⁷Dii, Timoteo, nadacádíínū' di ye'e chi nga'a níicú Señor ye'e yú dii' yā chi cadíínū' di tanducué'e.

⁸N'gáácú dí ti Jesucristo ye'e yú ní ye'e ndaata ye'e David 'ii'yā', ní nduuchi yā ye'e nguaa' tiná'a. 'Túúcā nga'a nduudu cuaacu chi nadinguá'āi 'ii'yā'. ⁹Níicú cáávā chi nga'a nduudu cuaacu ye'é yā neene n'geenú ngii ní canuú' vácūū ndúúcū cadenas tan'dúúcā chi 'niin'nú' 'ii'yā' naati nduudu ye'é Ndyuūs nguée cuuvi 'cuēē chiichí ndúúcū cadenas. ¹⁰Ní cáávā nducué'e chuū 'úú cucheé ye'e tanducué'e chi n'geenú ngii caavā 'ii'yā' chi Ndyuūs nndēēve yā chi cuuvi ye'é yā 'ii'yā'. Ní 'íicú 'ii'yā' s'ee' cuuvi cu'téenu yā Ndyuūs. Ní Ndyuūs cuuvi nadangua'ai yā 'ii'yā' ye'e nuu'ndi ye'é yā cáávā Jesucristo. Ní 'ii'yā' s'ee' cuuvi ndaaca yā vida n'dai chi vida cue'e daa'ma'.

¹¹Nduudú 'cūū ní cuaacu chi nga'a 'ii'yā':

Nduuti chi dii' yú cuenta chi 'āā n'diī yú ndúúcū Cristo tuu'mi ní dii' yú cuenta chi cunduuchi ntuū' yú ndúúcū yā.

¹²Tiicá ntúū'. Nduuti chi n'geenū yú ngii cááva yā ndúúcū nducué'e dendu'ū tuu'mi ní caa'ma' ntii'nyu' yú ndúúcū yā. Ní nduuti chí cuee'diitu yú ye'e Cristo tuu'mi ní Cristo ca'a yā caa'ma' yā chi s'uúū' nguée ye'é yā s'uúū'.

¹³Nduuti chi n'daa' yú ní nguée 'aama canee yú ndúúcū chi i'teenu yú ye'e Jesucristo tuu'mi ní Jesucristo nguée n'daa' yā ti 'tíica yā ní 'áámá canee yā caati Cristo mii' nguée cuuvi cuee'diitú yā ye'e maá' yā.

¹⁴Maa' ní dii, Timoteo, n'gaacú di ye'e nducué'e dendu'ū. Yaa'vi di 'ii'yā' s'ee' nanáá' i'ivú Ndyuūs ye'e yú chi canéé chi dii' yā 'túúcā. Yaa'vi di 'ii'yā' s'ee' chi nguée cuuvi 'cuu'má' yā ndúúcū cheendí yā caati nduudu ye'é yā nguée dichí'vē. Nduudu s'ee' dámaā' dii' chi taná'a 'ii'yā' nadacádíínū' ca yā ye'e chi ch'iindiveén yā ye'e nduudu ye'é yā. ¹⁵Ní dí dii' di tanducué'e chi n'daacā chi cuuvi di caati taachi ndaa di nanáá' Dendyuūs cuuvi di 'cuu'mi' di chi n'daacā dii' di ntii'nyu' ye'é yā. Ní n'daacā ngi'cuee' di nduudu cuaacu ye'é Ndyuūs nanáá' 'ii'yā'. Ní nguée cuuvi 'cuināa' di nanáá' Ndyuūs. ¹⁶Diví di ye'e 'ii'yā' chi nga'a n'dee' n'dái nduudu chi nguée

dáamá ndúúcū nduudu cuaacu ye"ⁿé Ndyuūs caati nguée dichíí'vē. 'Ii"ⁿyāⁿ chi nga"ⁿa yā 'túúcā dii"ⁿ cá yā nuu"ⁿndi. ¹⁷Níícú nduudu chi nguée n'daacā chi 'ii"ⁿyāⁿ s'ee"ⁿ ca'cueé"ⁿ yā 'ii"ⁿyāⁿ ní ngéenū tan'dúúcā chi ca'ai gangrena ní tan'dúúcā chi nge'e 'áámá n'daa. 'Tíícā dii"ⁿ nduudu ye"ⁿe sa"ⁿā Himeneo ndúúcū sa"ⁿā Fileto. ¹⁸Sá"ⁿā s'ee"ⁿ ní divíi yā ye"ⁿe nduudu cuaacu ní nga"ⁿa yā chi 'ii"ⁿyāⁿ nguée nnduuchí yā ye"ⁿe nguua"ⁿ tiná"ⁿā. Ní ná"ⁿā 'ii"ⁿyāⁿ 'āā ntéé i'téenu yā nducué"ⁿe nduudu cuaacu. ¹⁹Naati chíi"ⁿ chi Ndyuūs 'āā dii"ⁿ yā mar 'áámá 'āā ntéé cuuvi nadin'nú"ⁿu yā. Ní 'āā canée nguū"ⁿ na libro ye"ⁿé yā ní chiichi canée tan'dúúcā 'áámá sello. 'Tíícā nduudu mii"ⁿ: Señor Jesucristo ye"ⁿe yú deenú yā du'u 'ii"ⁿyāⁿ chi ye"ⁿé yā. Níícú nducyaaca 'ii"ⁿyāⁿ chi nga"ⁿa yā chi ye"ⁿe Señor ye"ⁿe yú canée chi divíi yā ye"ⁿe nuu"ⁿndi.

²⁰Taachi ca"ⁿa yú cuaa"ⁿ chēeti va'ai chí ch'ēete taavi ca n'diichi yú nguée dámaā"ⁿ platos ndúúcū 'cuūtu ye"ⁿe 'díi"ⁿnguua"ⁿ o 'díi"ⁿnguee naati n'diichi yú ntúū"ⁿ 'cuūtu ye"ⁿe yá"ⁿá ní ye"ⁿe ínceetí. N'duuví 'cuūtu 'ii"ⁿyāⁿ cuta'á yā cáávā ntií"ⁿnyu"ⁿ especiales ní ná"ⁿā 'cuūtu ní 'ii"ⁿyāⁿ sta'á yā chi 'cuíi yā cosas chi nguée dichíí'vē. ²¹Ní taachi 'aama yú ne"ⁿe yú dii"ⁿ yú ntií"ⁿnyu"ⁿ ye"ⁿe Señor Jesucristo ye"ⁿe yú canee chi 'cuētinée n'daacā yú ní divíi yú ye"ⁿe tanducué"ⁿe chi nguée dichíí'vē. 'Tíícā dii"ⁿ yú maa"ⁿ níícú cuuvi dii"ⁿ yú 'āā de'é nūu"ⁿ ntií"ⁿnyu"ⁿ chi n'daacā.

²²'Tiicá ntúū"ⁿ. Dii, Timoteo, divíi di ye"ⁿe vicios ye"ⁿe sa"ⁿā

n'gaiyāā. Cunée di n'daacā ní dii"ⁿ di tanducué"ⁿe chi n'daacā. Cu'téenu ca di Ndyuūs, diné"ⁿe di nducyaaca 'ii"ⁿyāⁿ, ní cunée di ndúúcū vaadi 'dii"ⁿ ndúúcū nducyáácá 'ii"ⁿyāⁿ chi Ndyuūs nadideevé yā ye"ⁿe nuu"ⁿndi ye"ⁿé yā. Ní maa"ⁿ ní nga"ⁿangua'á yā ndúúcū 'ii"ⁿyāⁿ chi ye"ⁿe Señor Jesucristo ye"ⁿe yú. ²³Ní dii, Timoteo, nguée dii"ⁿ di cuenta ye"ⁿe 'ii"ⁿyāⁿ chi n'deee n'dái ne"ⁿé yā caa"ⁿmá"ⁿ yā ndúúcū dii ndúúcū nduudu chi zonga caati nguē déenu yā. 'Āā déenu di chi naachi 'cuiinū nduudu mii"ⁿ ní ndaacā vaadi 'caa'va. ²⁴Deenu di chi mar 'áámá 'ii"ⁿyāⁿ chi dichíí'vē Señor Jesucristo ye"ⁿe yú nguée cánée chi 'cuu"ⁿmá"ⁿ yā ndúúcū 'ii"ⁿyāⁿ naati canée chí ndíícúu"ⁿ yā ndúúcū nducyaaca 'ii"ⁿyā. Ní canee chi ngi'cuee"ⁿ n'dáácá yā. Ní canee chi dii"ⁿ yā tanducué"ⁿe ndúúcū paciencia. ²⁵Ní canee chi díi"ⁿ di componer 'ii"ⁿyāⁿ chi yáádi'yāā ndúúcū núú"ⁿmá"ⁿ staava ye"ⁿe di. Ní 'ii"ⁿyāⁿ mii"ⁿ canee chi cūnee ngiinú yā chi Ndyuūs n'daá"ⁿ yā vida ye"ⁿe 'ii"ⁿyāⁿ rebelde caati cuuvi deenú yā nduudu chi cuaacu. ²⁶'Tíícā ní 'ii"ⁿyāⁿ s'ee"ⁿ canée yā tan'dúúcā chi cyaadú yā níícú cuayiivi ní canduuchí yā ní 'íícú cuuvi ngeenú yā tan'duucā chi díi"ⁿ yā cuá"ⁿai yā ye"ⁿe trampa ye"ⁿe yáá"ⁿnguiniūu"ⁿ. Ní nguée preso yā ye"ⁿe yáá"ⁿnguiniūu"ⁿ chi yáá"ⁿnguiniūu"ⁿ cuuvi dii"ⁿ sa chií"ⁿ chi ne"ⁿe sa nduucú yā. Ní maa"ⁿ ní 'ii"ⁿyāⁿ cuuvi díi"ⁿ yā chíi"ⁿ chí ne"ⁿe Ndyuūs.

Tan'dúúcā chi 'ii"ⁿyāⁿ ca"ⁿá yā dii"ⁿ yā nguuvi chí cúchii

3 Dii, Timoteo canee chi déenu ntúū"ⁿ di chuū. Nguuvi chi

cuchii véé cosas chi ngíⁿi. ²Iiⁿyāⁿ ní neⁿé yā maáⁿ yā 'iiⁿyāⁿ ní dinéⁿe taavi yā tuūmí. Ní caaⁿmaⁿ yā chi neené n'geete maaⁿ yā ní nacádíínuuⁿ yā chi neené n'daacā maáⁿ yā, ní nguéeⁿ n'daacā dináaⁿ yā yeⁿe tanáⁿ'ā 'iiⁿyāⁿ. Ní ngii taaⁿ yā contra yeⁿe Ndyuūs. Ní nguéeⁿ n'giindiveeⁿ yā yeⁿe chiidá yā ndúúⁿcū chεcú yā. Ní nguéeⁿ ngaⁿ'a yā 'tíicā: N'dii Ndyuūs, gracias. Ní nguéeⁿ n'giindiveeⁿ yā yeⁿe nduudu cuaacu yeⁿe Ndyuūs. ³Ní nguéeⁿ dinéⁿe yā 'iiⁿyāⁿ tan'dúúⁿcā chi canéeⁿ chi dineⁿ'é yā 'iiⁿyāⁿ, ndíí nguéeⁿ ndúú ya'āi 'iinú yā 'iiⁿyāⁿ. Caaⁿmaⁿ yā nuuⁿndi yeⁿe 'iiⁿyāⁿ ní nguéeⁿ 'tíicā. Ní nguéeⁿ dííⁿ yā chi n'daacā caati neⁿ'é yā caⁿ'á yā ndúúⁿcū n'daataá ó saⁿ'ā chi nguéeⁿ yeⁿ'é yā. Ní neené taaⁿ yā. Ní nguéeⁿ cuuvi n'diichí yā cosa chi n'daacā. ⁴Nééné neⁿ'e yā vaadi 'caaⁿ'va ndúúⁿcū 'iiⁿyāⁿ. Nguéeⁿ 'vaⁿ'a yā 'āā de'é nūuⁿ chi dííⁿ yā ndúúⁿcū 'iiⁿyāⁿ. Ní neené nadacadíínuuⁿ yā chi n'dεεve maáⁿ yā. Nééné neⁿ'e yā diiⁿ yā taanduvéeⁿ vicio chi véé iⁿ'yeeⁿ dííⁿ cūū. Ní nguéeⁿ nadacadíínuuⁿ yā yeⁿ'e Ndyuūs. ⁵Nééné n'giⁿ'i yā chi i'téenu yā Ndyuūs naati nguéeⁿ dííⁿ yā chiⁿ chi ngaⁿ'a nduudu cuaacu yeⁿ'é Ndyuūs. Díí, Timoteo, diví di yeⁿ'e 'iiⁿyāⁿ chi 'tíicā.

⁶Caati náⁿ'ā saⁿ'ā s'eeⁿ ní ngeⁿ'e yā ndúú va'ai nduu va'ai yeⁿ'e n'daataá chi nguéeⁿ diiⁿ n'daacá yā. Ní ca'cueeⁿ sa nduudu chi nguéeⁿ n'daacā. Ní n'daataa s'ééⁿ nguéeⁿ cuuvi ndaacadaamí yā yeⁿ'e nuuⁿndi yeⁿ'é yā. ⁷N'daataa s'eeⁿ ní nguuví nguuví n'geeⁿ yā nduudu miiⁿ naati nguéeⁿ cuuvi tuumicadíínuuⁿ yā nduudu

miiⁿ. ⁸Ní iiⁿyāⁿ s'eeⁿ chi diiⁿ 'tíicā ní contra yeⁿ'e nduudu cuaacu yeⁿ'é Ndyuūs. Ní tan'dúúⁿcā chi diiⁿ saⁿ'ā ngaatúū Janes ndúúⁿcū Jambres taachi contra yeⁿ'e Moisés tiempo chi 'āā chó'oo, 'tíicā maaⁿ ní 'iiⁿyāⁿ s'eeⁿ nguéeⁿ n'daacā nadicadíínuuⁿ yā. Ní nguéeⁿ cuaacu chi i'téenu yā Ndyuūs. ⁹Ní 'iiⁿyāⁿ s'eeⁿ nguéeⁿ cuuvi 'cueeⁿ cá yā caati nducyaaca 'iiⁿyāⁿ deenú yā táacā idiiⁿ 'iiⁿyāⁿ s'eeⁿ chi tonto yā tan'dúúⁿcā chi 'tiicá ntúūⁿ deenú nducyaaca 'iiⁿyāⁿ taacā chi diiⁿ ngaatúū Janes ndúúⁿcū Jambres tiempo chi 'āā chó'oo.

**Cuááⁿ ná ch'iinu ní Pablo dinguúⁿ
yā carta 'cūū yeⁿ'e Timoteo**

¹⁰Díí, Timoteo, 'āā diiⁿ di nducueⁿ'e tan'dúúⁿcā chi ch'icueéⁿ dii. Ní tan'dúúⁿcā chi 'úú caneeⁿ n'daacā, 'tiicá ntúūⁿ cunee di n'daacā. Ní diiⁿ di tanducueⁿ'e tan'dúúⁿcā chi 'úú dííⁿ nducueⁿ'e cáávā chi i'teenu yú Ndyuūs. 'Tíicā diiⁿ di. Ní i'téenu di tan'dúúⁿcā chi 'úú i'teenú. Ní ya'ai iinu di 'iiⁿyāⁿ ní dineⁿ'e di nducyaaca 'iiⁿyāⁿ. Ní chεε di yeⁿ'e nducueⁿ'e. Tan'dúúⁿcā chi dííⁿ 'tiicá ntúūⁿ diiⁿ di. ¹¹Ní deenu di tanducueⁿ'e chi ch'eenú chií cáávā chi diiⁿ 'iiⁿyāⁿ nducúⁿ ní táacā chi ch'eenú na yááⁿ Antioquíā ndúúⁿcū yááⁿ Iconio ndúúⁿcū yááⁿ Listra. Ní chichεé tanducueⁿ'e chi ch'eenú chií naati Señor Jesucristo yeⁿ'e yú ní nadanguáⁿ'ai yā 'úú yeⁿ'e nducueⁿ'e chúū. ¹²'Tíicā ní cuaacu. Nducyaaca 'iiⁿyāⁿ chi neⁿ'é yā 'cuetinééⁿ n'daacā vida yeⁿ'é yā cááva Jesucristo ní caⁿ'á yā 'cuenú yā cuuvi. ¹³Naati 'iiⁿyāⁿ chi nguéeⁿ n'daacā ní nginnche'í yā 'iiⁿyāⁿ.

Dach'εεte dách'εεte cá dííⁿ yā. Ní nginnche'εί yā tanáⁿā 'iiⁿ'yāⁿ ní ndíí maáⁿ yā nginnche'εί yā 'iiⁿ'yāⁿ.

¹⁴Naati dii, Timoteo, canee n'daacā di yeⁿe chi ch'eeⁿ di caati cuaacu níⁿnyúⁿ chí deenu di chi cuaacu ní deenu di du'ú 'iiⁿ'yāⁿ s'eeⁿ chi chí'cueeⁿ di 'túúcā. ¹⁵Ndíí taachi 'lííⁿ dii chicadíínuuⁿ di yeⁿe nduudu yeⁿ'é Ndyuūs. Ní cáávā nduudu miiⁿ chí ca'cueeⁿ di cuuvi cadíínuuⁿ di táácā cuuvi ninguaⁿāi di cáávā chí i'téenu di Señor Jesucristo. ¹⁶Ní nducuéⁿe chí canée nguūⁿ na libro yeⁿ'é Ndyuūs cucáávā Espíritu N'dai yeⁿe Ndyuūs ní dichíí'vē chí ca'cueeⁿ yú 'iiⁿ'yāⁿ ní cuuvi yú 'iiⁿ'yāⁿ chεε chí nguéeⁿ n'daacā chí dííⁿ yā. Ní cuuvi yú 'iiⁿ'yāⁿ táácā chí cuuvi dín'daacá yā. Ní ca'cueeⁿ yú táácā chí 'iiⁿ'yāⁿ cuuvi 'cuεεtinéeⁿ n'daacā yā nanááⁿ Ndyuūs. ¹⁷Caati 'iiⁿ'yāⁿ chí yeⁿ'éⁿ Ndyuūs ní dichíí'vε yā Ndyuūs ní cuuvi dííⁿ yā nducuéⁿe ntiíⁿnyuⁿ chí n'daacā.

4 'Úú yaa'ví dii nanááⁿ Ndyuūs ní nanááⁿ Señor Jesucristo. 'Iiⁿ'yāⁿ miiⁿ caⁿ'á yā chí ndaa yā taama vmnéⁿēe tan'dúúca rey. Ní ndaa yā ní dííⁿ yā juzgar 'iiⁿ'yāⁿ chí sндуuchí ndúúcu 'iiⁿ'yāⁿ chí 'āā n'dii caatí ngaⁿ'a ntiíⁿnyúⁿ yā yeⁿe nducuéⁿe naachi ngaⁿ'a ntiíⁿnyúⁿ yā. ²Ní 'úú yaa'ví dii chí ngaⁿ'a di nduudu cuaacu yeⁿe Cristo nanááⁿ 'iiⁿ'yāⁿ. Ní caaⁿ'maⁿ di nducuéⁿe tiempo chí cuuví diiⁿ di ní 'aara chí tiempo chí nguéeⁿ cuuvi diiⁿ di ní diiⁿ di. Caaⁿ'maⁿ yuudu di caati 'iiⁿ'yāⁿ cuuvi cu'téenu yā. Ní caaⁿ'maⁿ díí nanááⁿ 'iiⁿ'yāⁿ chí dinuuⁿndí yā chí 'āā ntéeⁿ dinuuⁿndí yā 'tífca. Ní ca'a di consejo 'iiⁿ'yāⁿ, ní ca'cueeⁿ

di 'iiⁿ'yāⁿ. Ní diiⁿ di tanducuéⁿe ndúúcu n'dai, ní ca'cueeⁿ di nduū 'cuaaⁿ. ³'Tífca dííⁿ di caati ndaa tiempo chí 'iiⁿ'yāⁿ nguéeⁿ caandiveéⁿ yā nduudu chí n'dai. Naati caⁿ'á yā in'nuúⁿ yā n'dee n'dái maestros chí ca'cueeⁿ yā 'iiⁿ'yāⁿ tan'dúúca chí neⁿ'é yā 'caandiveéⁿ yā. Ní tan'dúúca vaanicadíínnūⁿ yeⁿe maáⁿ yā 'tífca neⁿe yā chí ca'cueeⁿ yā. ⁴Ní ndaacadaamí yā yeⁿe nduudu cuaacu ní nguéeⁿ caandiveéⁿ yā yeⁿe. Ní 'caandiveéⁿ yā cuentos chí nguéeⁿ n'daacā. ⁵Naati dii ní canee chí candée di cuidado yeⁿ'é tanducuéⁿe dendu'ú tanducuéⁿe tiempo. Ní cuchée di yeⁿe nducuéⁿe chí 'cueenu di cuuvi. Diíⁿ di ntiíⁿnyuⁿ yeⁿ'é Ndyuūs ní caaⁿ'maⁿ di nduudu yeⁿ'é Ndyuūs chí diiⁿ chí nguaⁿāi 'iiⁿ'yāⁿ. Canée chí diiⁿ di cumplir ntiíⁿnyuⁿ chí Ndyuūs tee yā dii.

⁶'Úú deenú chí ca'á vida yeⁿ'é cáávā Cristo ní 'iiⁿ'yāⁿ caⁿ'á yā 'caaⁿ'nuⁿ yā 'úú. 'Āā canée ntiíⁿnyuⁿ nguuvi chí 'cuúví. ⁷Naati deenú chí dííⁿ ntiíⁿnyuⁿ yeⁿ'é tan'dúúca 'áámá soldado chí idiíⁿ sa caandaá n'daacā. 'Tífca dííⁿ. Ch'iínú ntiíⁿnyuⁿ yeⁿ'é ní 'áámá canée n'daacā ndúúcu chí i'teenú yeⁿe Ndyuūs. ⁸Cáávā chuū cunee ngiinú 'aama corona chí Señor Jesucristo chí juez chí diiⁿ nducuéⁿe chí cuaacu, caⁿ'á yā chí téε yā 'úú ndúúcu 'iiⁿ'yāⁿ chí yeⁿe yā, 'iiⁿ'yāⁿ s'eeⁿ chí n'daacā idiíⁿ yā. 'Tífca cuuvi nguuvi chí Cristo ndaa yā taama vmnéⁿēe. Ní nguéeⁿ téε yā corona dámaāⁿ 'úú naati ca'a yā corona nducyáácā 'iiⁿ'yāⁿ chí neⁿ'é yā Jesucristo ní cūnee ngiinú yā Jesucristo ní neⁿ'é yā chí ndaa Jesucristo taama vmnéⁿēe.

**Pablo ca'á yā instrucciones
ca'áamá cā'aama 'ii''yā'**

⁹Dii, Timoteo, dii' nún yii'nu di chi chií di n'diichi di 'úú. ¹⁰Sa'ā Demas mii' ní ndaacadaamí sá ye'e 'úú caati ne'e ca sa cosas chi véé i'nyee'dí 'cūū ní che'e sa yāā' Tesalónica. Sa'ā Cresente che'e sa yā'āa Galacia ní sa'ā Tito che'e sa yā'āa Dalmacia. ¹¹Dámaā' Lucas canee sa nduucú maa'. Ní yaa'vi di Marcos chi ca'na sa ndúúcu dii. Ní candēē di sá'ā ndúúcu di caati Marcos cuuvi cunnee ca sá 'úú na ntii'nyu' chi dí'. ¹²'Úú 'āā dicho'ó sa'ā Tíquico na yāā' Efeso. ¹³Ní taachi cuchii di, nandēē di cotón ye'é chi s'neé' na vaacu sa'ā Carpo na yāā' Troas. Nandēē di ntúū' libros ye'é ndúúcu caaca chi ne'e nii'nyú'.

¹⁴Sa'ā Alejandro chí 'viichi cūū ní néené n'deeē cosas chi nguéé n'daacā dii' sa nduucú. Ndyuūs ca'á yā nadí've yā sa'ā caavā tanducué'e chi nguēē n'daacā dii' sa nduucú. ¹⁵Cundēē di cuidado ye'e sa'ā mii' caati neenē taa' nga'a sa ye'e chi ngi'cuee' yú ti contra ye'e chi ngi'cuee' yú.

¹⁶Vmnáā' vmnaa' taachi 'úú che'é nanaa' juez mar 'áamá 'ii''yā' nguéé che'e yā nduucú naati nducyaaca 'ii''yā' diví yā ye'e 'úú. 'Úú ngiicá nanáá' Ndyuūs chi nadach'ēecú yā nuu'ndi ye'e 'iis'tií. ¹⁷Naati Señor nginneé yā 'úú ní teé yā fuerzas 'úú cáávā chi 'úú ngii nga'á nduudu cuaacu ye'é yā nanáá' 'ii''yā' chi nguéé

ye'e ndaata 'ii''yā' Israel, nduudu chi dii' chi nngua'āi 'ii''yā'. Ní 'íicú nducué'e 'ii''yā' s'ee' cuuvi 'caandivee' yā nduudu cuaacu ye'e Ndyuūs. Ní 'tíicā Señor ye'e yú nadanguá'ai yā 'úú ye'e 'ii''yā' s'ee'. Ní chuū ní tan'dúúca chi ninguá'ai yā 'úú ye'e cheendi 'yái'yāa' cuá'āa. 'Tíicā dí' yā nduucú. ¹⁸Níicú Señor Jesucristo ní nadangua'ai yā 'úú ye'e tanducué'e cosas chi nguēē n'daacā chi 'ii''yā' ne'é yā dii' yā nduucú. Ní Señor Jesucristo candēē yā cuidado ye'e vida ye'é chi cuuvi na'á na va'ai cheeti nguuvi naachi nga'a ntii'nyú' yā. Señor Jesucristo mii' ní dich'ēete yú 'ii''yā' cue'e daā'ma'. 'Tíicā.

**'Cuuiū carta ndúúcu saludos
ndúúcu vaadi n'dai ye'e Ndyuūs**

¹⁹Lado ye'é: N'dái yā nga'á, caa'ma' di ta'ā Prisca ndúúcu isa'ā tá chi Aquila ndúúcu 'ii''yā' ye'e familia ye'e sa'ā Onesíforo. ²⁰Sa'ā Erasto canee sá na yāā' Corinto. Ní sa'ā Trófimo chi ngiitā sa, 'úú s'neé' sa'ā na yāā' Mileto. ²¹Maa' ní dii' nún yii'nu di cuchii dí n'diichi di 'úú taachi 'āā 'cuéé ndaa tiempo chi 'iiche. Sa'ā Eubulo ndúúcu sa'ā Pudente ndúúcu sa'ā Lino ndúúcu n'daataá Claudia ndúúcu nducyaaca vi' yú: N'dái ndís'tií nga'á yā.

²²Ne'é chi Señor Jesucristo ye'e yú canee yā ndúúcu dii hermano ye'é níicú Ndyuūs téē yā dii ye'e nducué'e chi n'dai ye'é yā. 'Tíicā cuuvi.